


安福縣志

coll 250.161

34

號 243.57
34



序

予嘗讀康對山武功志。抑予
泉朝邑志而喜其文簡事核
義例精嚴有異乎鋪張繁縟之
為自非心細如髮精神大於身

安福縣志

卷首

序

而後減字句以求工是效西子之
顰而學邯鄲之步其不為通識
之所消也者幾希壬寅春安成令
周君有虔州之役余適來亟多之
時善谿王水部為城劉明經延之



在館與余談論志事以歲月稍遲為
憾蓋倡其議為前令高君迄於今幾
三年矣余急欲成之願簿書亭午
未遑也夏杪自省旋廣採輿論諸紳
士贊襄至事允登志之冗者刪之缺者

補之共為十門二十二卷未付剞劂矣修
志之難等於修史以昌黎東坡之才而
猶不敢輕任筆削况鄙陋寡聞如余
者乎惟是矢以矢慎不敢一毫苟且差
甚質法神明白諸當世昔司馬溫公

嘗言生平無一事不可對人者余於
茲後敬佩斯語云尔多夫步康瑞
逸執而媿美乎朝邑武功也則余烏
乎敢

時

乾隆四十七年潼水張福中撰并題

安福縣志卷首

嘉靖戊午叢錄序



鄒守益

秋渠張子崧以邑志之弗徵也作安福叢錄稽往乘搜傳記博詢山氓故老凡爲卷二十有二爲目二十有八首以縣紀疆域終以雜記遺事而於庸調糧畝水陸兵防尤反覆三致意焉噫其志勤矣往予與同志劉子肇袁王生鑄輩議各紀所聞所覩細大必裒而相與合證精擇之以登帙若水陸之珍四方畢集徐別其等而升諸劔瓚簞簞蒞臨尊之爲禮柴卑之爲糴沈大之爲牢牽小之爲脯胖舉無遺味而亦無言升聚而弗博且有匿善矣擇而弗精且有誣善矣衆瞶之而未果秋渠子以獨力成之其博而無漏精而無泛則我不敢

安福縣志

卷首

舊序

知然周回十有五年凡數易橐而始就厥惟艱哉松谿程侯嘗以志屬予予曰願之久矣顧人物紀難爾蔡生勤修泰興志告於朱思齋曰士大夫平日未肯爭作上志書事及修志書則人人爭要上徇私好則負良牧之委執公評則忤羣宦之欲事調停則失秉筆之直松谿哂曰是紀也吾當自任之未浹旬而陟乃至於今使是錄而早就也補其畧覈其真辨其疑似將事半而功倍矣乎秋渠子偕其弟貢士巖聯聲庠序衆望其顯榮以紹而祖而考之休乃竟弗遇敏智畢力以寄其蘊年登七十矣懼道謀弗就捐貲以永其傳使良牧誣典以制政良士趨的以倡俗將化宣風移卑升大猷而讐斂橫取奪寡脇弱之痼瞿瞿一洗之則所欲爲者不待出於其

躬而後快茲張子之志也已覽斯錄者其尚有感於斯

叢錄題語

王學夔

秋渠張子成安福叢錄以授余余得盡觀焉猗哉張子之志也今郡邑之志猶古列國史也張子學博志端不得用於時乃終跡於茲豈苟焉哉將自託於邑之屬以垂勸戒勤矣核矣或曰茲有司事也疑於僭曰傳記第論諸類皆博雅君子獨見而蒐輯矣邑之曠未續將不有待乎曰其有所準乎曰張子先世嘗爲史官安知非如談之汝授以成論著也固亦可以揚名顯父母言之其志嘉矣曰可以爲訓乎曰輿圖山川不失其實戶口稅役因時損益者可考也水利建置存乎時爾名宦民德之厚也學校書院教化之正也人物諸科條

安福縣志

卷首

舊序

及文藝固文獻也博采而羅致斟酌而班傳勸之著也女德厲也兵防衛也其他常附也加之贊評亦庶乎質而不俚有良史之才焉夫皆經於正學劉子爲之訂匪獨智也曰諸宦績不已雜乎曰其技之長短售於用備於士服矣而可廢乎其義則竊取之矣曰先正之顯名以逮今日一善必錄吾惟懼善者之未詳也曰非有所昵則亦無害於章如其漏據以俟君子曰藝文煩與曰詩書刪述而道之升降美惡得失以之是志也繫於斯文於風俗才識徵焉且可論其素也如其不相符則僞言而已人可罔固真戒也曰其亦有裨乎曰樂只君子將緣是而裕民善俗因革廢置審其宜崇獎裁抑其制省薄矜儉自其躬皆道也亦詢於芻蕘之意賢者不傳

此乎雖然余何知焉未盡也余嘗論史遷之分門大甚亦自
郡邑之無世史始創成一家苟有主者邑必立局取賢者而
世典之歲據直書以俟國史之收纂而實錄焉固明有勸戒
何志也然不可復矣又嘗嘆吾邑諸先正惇龐寬大方嚴不
露文章節義燦然凜若余生也明徒切景仰實不能望其門
戶取愧於山川邑里爲多於予子之贊評尤深感焉讀斯錄
者可以興矣

萬曆辛丑福乘藏稿自序

劉元卿

始予從夏和卿家得吳大常安成志錄本讀之蓋所謂成化
郡志而分安成爲一帙者也似屬草創未經梓行繼讀戊辰
志謹嚴得體又繼讀壬午志或失則泛然皆以山川人事爲

安福縣志

卷首

舊序

三

經而以九邑緯之不復分安成矣時欲援是作邑志私考未
之就也甲申侍塘南王先生預修郡乘則斟酌兩志之中而
於壬午志稍稍有所刪去志既成或謂予曰志體郡宜嚴邑
宜廣福故無志僉云缺典曷若盡合三志所羅邑中人物遂
作福乘不亦休乎予喜曰得我心哉於是取凡地里建置食
貨選舉秩官人物雜記詞翰整齊其勢約爲十卷戊辰以下
諸志所書名賢一切不遺舊傳或簡頗採叢錄各書以潤益
之其叢錄暨成化志中原未經三志所收者不敢僭附亦不
敢放失別作一編曰輯遺以俟他日博碩鉅公覈而增入焉
書成命曰福乘藏稿間私以就正於邑獻方塘王公既訂校
之復括舊聞增置十餘傳蓋又叢錄與成化志所未嘗有者

予并以附於輯遺之後緘而藏之篋中

福乘藏稿序

顏欲章

吾邑自吳寶鼎間遷城以來風氣日開望於東南入國朝理學忠節文藝科名甲於宇內蓋不啻浙之餘姚閩之晉江幾於家紉戶誦猗歟盛矣然紀載之籍闕如今稽往者致嘆無徵而鏡來者拊心靡引斯誠二百餘年一大歎事也嘉靖中張文學有叢錄之輯時則三五劉先生實與攷訂雅稱良且信顧識者猶憾其稍寬揆之志體不無汎愛而多可覽之未必可傳可慕也先伯舅徵君蓋嘗師事三五先生與聞緒綸且以達天之學揆天之才際天之識慨然抽石室而詢獻老酌裁成化吳大常郡志暨正德戊辰嘉靖壬午萬曆乙酉郡

安福縣志

卷首

舊序

四

志及叢錄若王方塘私記芟繁輟要孳稗錄遺爲福乘藏稿十卷輯遺一卷理辨而不華體質而不俚其事核其文直不虛美不溢惡凡邑之故粲然列眉庶幾往有可稽來有可鏡後之有志夏殷者可無致憾於杞宋已顧是乘也成於辛丑越九年己酉徵君沒門人小子相與讀先生之書而遵其志亦第什襲藏之以俟後世子雲是歲少尹王自宣氏謀諸同門謂所關於邑故良鉅與藏之名山不如傳諸其人之明且遠也於是命工壽梓獨力成之所稱善繼先生之志益引之勿替非耶昔孔子作春秋假魯史以寓王法筆則筆削則削游夏不能贊一辭弟子受春秋孔子曰知我者其斯乎罪我者其斯乎斯徵君之志乎欲章不佞博愧九庫聚謝五龜亦

安能復贊一辭第深嘉自宣之克成師意無慚孔氏邱明敬
爲引其端云爾

康熙丁未初修縣志序

施閏章

縣志蓋一邑之書其視史差易者三而其陋有五夫書
約則易殫地狹則易稽人近則易辨然史之爲書掌之
太史修之異代善惡錯陳褒貶互見書成既奏流播方
寓卿相不能匿其過舉子孫不能諱其祖父其中雖間
有得失猶爲近核若夫郡邑志乘官非左董義爽筆削
頌長吏則謏傳先達則誇紀名勝則傳會摭文詞則浮
蕪分星野考沿革則淆混書取速成事多躐駁甚且事
符衆口一人矯喙板蕪邑庫改竄潛加官吏不能校其

非士大夫不盡覩其籍遷延日久遂成掌故余嘗極論
志書謂不如國史足信者蓋以此也自非有道而能文
周咨獨斷平心折衷其是非鮮不謬於聖賢然可藏之
於家未可以示國人何者愛憎蠱起而牽制之勢多也
則擇人善任不得不歸賢有司安福舊無縣志有之自
今中州焦令君始然其書固非一時草創無所按據者
也明正德間布衣張子崧著安成叢錄鄒文莊嘗爲之
序神宗時劉徵君元卿又著福乘藏稿二君皆以理學
名所謂有道而能文是非不謬者也藏之既久人無異
詞今踵而增之遂成縣志又有邑薦紳王謹山司諭鄭
五峙明經朱昭遠及文學諸子各任蒐討義無浮濫於

以著安成山川風物之美張巨公名卿理學貞孝士女之盛使後之聞者希風景軌於斯爲烈一邑之志而不悖史之義者其庶幾乎余不及寓目卒業而焦君屬序再四夫安福昔處物力充牣文獻輻輳之時邑令闕然無成書今乃成之於難爲之日夫豈碌碌簿領之吏所可望歟

康熙丁未初修縣志序

焦榮

國有史紀世運之隆替載政治之得失列人材之臧否彰往勸來爲千秋金鑑誠慎且重也下而郡邑方內亦有掌故足備蒐羅挈綱標目考獻徵文諸凡吏事民風義關彛訓者上與諸史相表裏俾奕世披冊展覽畢然

安福縣志

卷首

舊序

六

思主持世教者所重在此不在彼也志顧可少乎哉惟吉州屬城有九安成穎列西北襟帶阻阨人物英華蔚然秀錯卓冠西江之輿區矣粵稽歷代以迄

國朝若而年於茲百度具舉獨邑志從未修輯當亦守土者之缺事也康熙乙巳春余來牧茲土甫旬餘訪求治志以佐治理邑人士僅出叢錄一冊福乘藏稿一冊余反覆流覽竊以爲前人在笥簡編雖云詳矣或亦有畧即傳信矣未免闕疑俟夫後之纂修者博採而約取之也會丙午秋清江鄧子岳壽以壬午寇賢書奉

節振鐸至止余側席延訪互相商確曰安成宿號文獻望邑其山川之秀麗風氣之敦龐理學之淵源忠節之炳烺

與夫科名之隆盛振古如茲使教養斯土者弗彙纂成書以彰邑勝異時輶軒使者驅車螺川之側陳詩貢俗亟取斯邑治譜而上之

天子則愕然莫應將所稱文獻名區不幾幾乎雖盛弗傳也耶余於丁未春月即禮延鄴子以裁纂屬之晉邑人王子辰王子吉朱子東升劉子翼張共勳厥事設館授餐靡間晨夕取前編之已載者而討論修飾之取後茲之未列者而補輯較訂之諸君子矢公矢慎無毫髮私意於其間至若編內澄吏治端風化扶名教關係世道人心之大且遠者尤必兢兢焉撮要拔尤一倣國史之程式爲裁定非徒揆藻摛華與屬詞比事者同日而語也

安福縣志

卷首

舊序

七

蓋諸君子稽古之學居多焉余宰安成有日矣竊幸藉諸君子之筆以傳安成之志因傳安成之志或亦紀治安成之一端云

康熙戊午續修縣志序

張召南

安成原有志前荆巖焦先生遠稽叢錄福乘近採歷年事實編集成書詳矣備矣重刻者何滇南之變甲寅乙卯城池兩失歷丙辰丁巳夏初

王師復吉州余單騎回縣招鄉民之壯者驅土逆復城池撫殘黎闢荆榛且軍需旁午供應紛雜疲於奔命食息弗遑一切翰墨事都不暇問至戊午余內移將解綬適前志版煨燼久矣况也永嘆深惜文獻之淪沒也適於音

鄒君者出所藏簡明志稿蓋癸丑歲余奉劉藩憲修省志時偕諸鄉紳所訂正者示余余喜曰賴有此也復謀之縉紳先生僉曰善爰付之梓

康熙癸巳重修縣志序

劉學愉

今

聖天子御極在上海晏河清民安物阜舉凡忠孝節義理學文章彬彬乎盛筵且也草木獻山川之瑞孳生極衍育之繁莫不珍奇畢集以叶

國家太平之運然輜軒採俗必從實錄以驗休徵是則志之所繫豈不重哉顧作志之難不自今日始廿一史自司馬遷作史記尚已而班固蕪子由則不滿於遷迨至

安福縣志

卷首

舊序

范蔚宗鄭仲漁之輩則又不滿於固故劉知幾有三長之說袁崧有五難三等四患之說則於尚書春秋而外即左國亦不能無議而况其他是必有超人之學識而無鋪張揚厲之失於麗瑣屑於此脫畧於彼之失於偏然後可以作志安成從有明以迄於今三百餘年甲第雲興公輔星燦而節義文學冠於江右兼以武功三老之山瀘瀟鴿蜜之水列允宜彪炳汗青光昭史冊憶昔焦君荆巖先生遠稽實錄福乘規畫成書且詳且備其如兵燹迫境舊志云燬丁巳夏前邑侯仲文張公當

王師復吉州之後遍訪而重修之冗者汰缺者補班班可考

焉今安成之應時而興起者大倍於昔寧可有缺漏而未備者耶於是邑之紳士大夫爲之廣搜前志近述見聞一一揆其實以壽諸黎衆不失於麗不失於偏人物山川靡不悉歸至當異日輜軒所至貢俗陳詩以進於大清一統之志則茲志不已並垂不朽哉予膺

簡命甫蒞茲土而樂其志之有成也遂弁數言於其端
康熙癸巳重修縣志序
黃寬

邑有志猶國史也史固彰瘡並用而志則有彰無瘡春秋樂與人爲善此物此志耳顧董厥事者耳目弗及失之畧采訪不精失之誣與畧而誣也無寧任其典之曠予承乏五雲六載壬辰來攝安成事驅車至境東望瀘

安福縣志

卷首

舊序

九

江奔匯四靈嵯峨蟠踞流峙襟帶間洵奇且秀而其南爲淵明讀書臺五柳之芳躅在焉北瞻華封西顧武功石城其勝跡所留千古如新已而檢閱舊志見前代理學文章忠孝節烈直可冠西江諸邑

一國朝人文繼起後先輝映而三十餘年紀載闕如適太守趙公遷擢去以縣志不備致郡志未修爲憾予因思昔人遇佳山勝水且必流連歆羨况安成爲鄒魯名區昔忝隣封猶切嚮往今獲蒞斯土理學之宗風未墜忠義之往烈猶存則顯微闡幽非予誰責又烏得以簿書鞅掌而忽諸爰集諸紳士於明倫堂期各舉所聞所見續其闕畧而徵文考獻一遵張布衣叢錄劉徵君福乘藏

藁暨前焦張兩先生成書至發凡起例分門別類雖
有異同實悉仍舊文編次成帙捐薄俸付剞劂五閱月
而告竣我不敢知曰無美弗收也而寧畧無誣差堪問
心異日省郡諸當事修舉通志庶幾三十餘年之嘉言
懿行燦然目中足備採擇云耳

康熙癸巳重修縣志序

王仁錫

安福文獻名邦也其地山環水匯鍾靈毓秀理學文章
忠孝節義代有傳人由宋而明稱極盛焉然終明世未
有志迨我

國朝兩賢侯相繼至丁未創始者新野焦先生也戊午續
修者朝邑張先生也今又三十餘年徵文考獻非良司

安福縣志

卷首

舊序

十

牧急務乎去年容軒黃先生以攝篆倡其議儼齋劉先
生以下車任其成兩賢之度越前人何如矣先是黃先
生謀諸邑士夫屬家侍御山介先生執其勞竊見侍御
早作夜息手不停披提綱列目編緝考訂且以類聚羣
分示正名定分之意蓋是志成不但文獻聿新即綱維
亦寓焉矣憶昔從先大夫需次銓曹兩子六月家侍御
得川西之綿竹先大夫得川東之鄧都明年先後官於
蜀已卯又同執事蜀闈越甲申冬十月家侍御陞太行
先大夫遷部曹自是同官京秩視昔同選同寅往來益
密情益洽矣猶記侍御嘗語先大夫曰安福下邑也而
文事頗盛自設制科以來惟前明正德己卯及

國朝順治戊子康熙乙卯並以叛亂廢場屋其他子午卯酉秋闈大比邑志所載未嘗脫榜先大夫訖巽之子亦敬聽而心慕焉庚寅之春侍御告致歸里予以服闋入京南轅北轍邂逅途次班荆道故移時而別五月補安福丞竊喜又得奉令承教更近於在京在蜀矣冬初捧檄至止城市荒蕪衙署灰燼幾疑家侍御之言稍過其實及考諸邑志而後知言雖大而非誇也他如景泰庚午科直省鄉試掄兩元又三年癸酉先後兩科共中五十餘人則又侍御所未及者此即海內名州劇邑指不多屈耳曩者侍御修綿竹志先大夫修鄧都志予時隨任有事編次今者適逢其會承乏襄事福乘載新聿觀

厥成韋何如已因述往事附見於簡末云

安福縣志纂修銜名

總裁

兵部侍郎兼都察院右副都御史巡撫江西等處提督軍務糧餉兼騎都尉郝 碩

欽命工部右侍郎提督江西全省學政胡高望

鑒定

江西等處承宣布政使司布政使 馮應榴

江西等處提刑按察使司按察使統轄全省驛務馮光熊

江西等處提刑按察使司按察使統轄全省驛務吳之黼

江西通省督糧道兼巡南撫建地方兼管驛務段 玠

江西通省督糧道兼巡南撫建地方兼管驛務舒希忠

督理江西省鹽法道兼巡瑞袁臨等處驛務杜 憲

安福縣志

卷首

纂修銜名

分巡吉南贛寧兼管水利驛傳兵備道湯夢棠

分巡吉南贛寧兼管水利驛傳兵備道邊子海

督修

知 吉 安 府 事 張 翹

署 吉 安 府 知 府 邢 璵

知 吉 安 府 事 張 鳴謙

纂修

工 部 屯 田 司 主 事 王 基

優 貢 生 劉 映壁

總修

安 福 縣 知 縣 高崇基

署安福縣知縣 鄧步雲

安福縣知縣護贛州府通判 周志善

南康府通判署安福縣知縣 張繡中

署安福縣知縣 張發長

協修

安福縣儒學教諭 萬廷藩

安福縣儒學訓導 王步蟾

候補州同借補安福縣縣丞 俞光豫

安福縣鹽塘司巡檢 王銘祖

安福縣典史 吳承宗

安福縣志

卷首

纂修銜名

二